

## Te Huringa: He Puāwaitanga. Te Pūrongo Aroturuki o te Pūnaha Hauora Hinengaro me te Pūnaha Waranga 2022



### **Ko tā te Komihana he aroturuki i ngā ratonga mō te hauora hinengaro me ngā ratonga mō ngā waranga i Aotearoa, he whakatairanga hoki i te whakapaitanga ake o ēnei ratonga.**



I waihangatia te Komihana mō te Hauora Hinengaro (te Komihana) i runga i ngā tūtohunga o **He Ara Oranga**: te Pūrongo Arotake a te Kāwanatanga ki te hauora hinengaro me ngā waranga (**He Ara Oranga**). Ko ngā kawenga o te Komihana, ka tahi he aroturuki, ka rua he tuku pūrongo e pā ana ki ngā ratonga o te hauora hinengaro me ngā waranga, ka toru he whakatairanga i te whakapaitanga o ēnei ratonga.

### **Koinei te pūrongo aroturuki tuatahi e pā ana ki ngā ratonga o te hauora hinengaro me ngā waranga**

Ka aropū a **Te Huringa** ki ngā mahi a ngā ratonga hauora hinengaro me ngā ratonga waranga atu i ngā tau 2016 / 17

me ngā tau 2020 / 21, ka whakatakoto hoki i ngā painga me ngā ngoikoretanga o ēnei ratonga. Ka tūhiratia e **Te Huringa** ngā ratonga me ngā hōtaka papai e whakatinana ana i ngā kitenga o **He Ara Oranga**, me te whakaara ake i ngā hohenga hei aratohu matua mō te pūnaha me ngā hanganga ture e piki mai nei.

He pūrongo tauwhiro a **Te Huringa** e whakamahi ana i te Tarāwaho Ratonga Kounga i urutaungia i tērā i whakamahia e te Toihau o mua. Hei roto i taua wā kua taea e mātou ki te waihangia i tā mātou ake tarāwaho hei aroturuki i te pūnaha, arā i a **He Ara Āwhina**. E ono ngā tūrangawaewae o te tarāwaho: ko te mana taurite, ko te whai wāhi me ngā kōwhiringa, ko te houruatanga me te mana arataki, ko te haumaruru, ko te whai kiko, ko te atawhai tūhono.



### **Kia noho tonu ko te puāwaitanga o te pūnaha hei haepapa matua mō te Kāwanatanga**

Ko tā He Ara Oranga i kite ai ko te pūnaha e aropū ana ki ngā hiahia a te katoa hei whakaniko i te hauora hinengaro. Ka pōhewatia te marea e whai kaha ana, ā, e whai ana i ngā rauemi me ngā tautoko hei kaupare i ngā auhitanga me ngā waranga.

I tīmata ake te Kāwanatanga i runga i te ngākaupono, i ngā whakataū atu i ngā tūtohunga o roto o He Ara Oranga, ā, ka hurumanutia te kōpaki \$1.9 piriona ki ngā tari maha i roto i tōna tahua toiora i te tau 2019. E whakamihi ana mātou ki tēnei haupuranga pūtea, tae atu ki ngā tāpiritanga ki

ngā ratonga matua me ngā ratonga hapori. Heoi me whai hurumanu anō te kaupapa hei whakataū atu i ngā tūraru o ngā ratonga mātanga.

He tukanga uaua te panonitanga e whāia ana e te kaiarataki ū ki ngā taumata tītike. E kore e ngata i ngā whakapai kanohi me ngā takune pai – me pakari te hunga arataki, me koi te whakahaere i te mahere hei whakatutuki i ngā panonitanga. Mā runga pea i ngā hanganga ture hou nei, me te whakatūnga o Health NZ me te Manatū Hauora Māori, ka whakanikohia te aronga ki te hauora hinengaro me ngā waranga, me te whakatō i te hautoa ki ngā tauira whakahaere.



**E panoni ai te pūnaha, ā, e hāngai ki te whakakitenga o He Ara Oranga, e hiahia nei te Komihana kia kite i ngā whakapaitanga ake ki ngā ratonga hauora hinengaro me ngā ratonga waranga.**

E whai ake nei ētahi o ngā whakapaitanga:

- kia hāpaitia te Tiriti o Waitangi e te kāwanatanga, e ngā toihau o ngā ratonga, me ngā kaiwhakarato. Kia whakahaepapatia ngā momo ratonga whānui e tautoko ana i ngā tūmanako a ngā whānau, a ngā hapū me ngā iwi, otirā, kia pakari anō ngā ratonga o te hauora hinengaro, o te waranga, me te toiora hei wāhi haumaruru mō ngā Māori, ā-ahurea, ā-wairua, ā-tinana hoki. Me whakaae e rātou ko te wairuatanga tētahi tūāhua nui o te hauora hinengaro.
- kia haere tonu ngā haumitanga pūtea me ngā whanaketanga o ngā ratonga aropā, ngā ratonga rangatahi me ngā ratonga mātanga hapori
- kia whakamōrahi ngā ratonga i te mana o ngā tāngata whaiora, otirā kia whakamanatia e rātou ngā matatika mā te whakaheke i ngā whakahautanga rongōā.
- kia noho ngā kaupapahere hei whakamōhiotanga mō ngā hanganga hou o te Ture Hauora Hinengaro, kia kore ai e whakahāweatia i runga i 'mate hinengaro', otirā kia whai wāhi mai ngā tāngata whaiora.
- kia tautokotia nga ratonga ki te whakawhanake i ngā huarahi wehi kore, i runga i ngā arataki kaha a te Kāwanatanga e pā ana ki te tūtohunga o **He Ara Oranga** kia whakatūhia he hui ā-motu mō ngā whakapono, ngā, taunaki me ngā waiaro ki te hauora hinengaro me ngā tūraru.
- kia whakaata ngā whakainenga whakarongoā i ngā mea whai hiranga ki ngā tāngata whaiora – pērā i ngā rauemi whai putanga e hāngai ana ki ngā tāngata whaiora me ngā whanau, i roto anō i te ahurea tika ki te arotahi ki te hauora whānui o ngā tāngata whaiora.
- kia whai wāhi tonu te marea ki ngā tautoko tūhono – pērā i ngā tautoko e whakatika ana i ngā putanga hauora pāpori, ohaoha hoki, e tukituki nei i te iwi e auhi ana i te whakamahi pūroi me te mahi petipeti
- kia whakakaha i te hononga o te tūrora me ngā taurima hapori ki ngā taurima mātanga, matua hoki.